



Broj: 13-11-4-11159/23
Sarajevo, 11.07.2024. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka agregata za potrebe Općine Novo Sarajevo“, po provedenom otvorenom postupku javne nabavke izabran je slijedeći ponuđač::

Grupa ponuđača MALCOM d.o.o. Sarajevo (predstavnik ponuđača) i MIG ELEKTRO d.o.o. Mrkonjić Grad sa ukupnom cijenom od 152.685,00 KM (slovima: stotinupedesetdvijehiljadešeststotinaosamdesetpet i 00/100 konvertibilnihmaraka) sa PDVom

II

Za izvršenje ove Odluke zadužuje se Služba za civilnu zaštitu.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-11159/23 od 29.12.2023. godine


Procijenjena vrijednost javne nabavke sa PDV-om je: 190.000,00 KM (slovima: stotindevedesethiljada i 00/100 konvertibilnih maraka).

Obavještenje o javnoj nabavci broj: 935-1-1-16-3-23/24 objavljeno je na portalu javnih nabavki 24.01.2024. godine, te ispravke za Obavještenje o nabavci broj: 935-1-1-16-8-90/24 od 29.01.2024. godine, 935-1-1-16-8-179/24 od 24.05.2024. godine i 935-1-1-16-8-191/24 od 05.06.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 21.06.2024. godine, pristigle ponude slijedećih ponuđača:



Red. Br.	Naziv i sjedište ponuđača	Ukupna ponudena cijena sa PDV-om
1.	MALCOM d.o.o. Sarajevo i MIG ELEKTRO d.o.o. Mrkonjić Grad	189.999,81 KM
2.	SICON SAS d.o.o. Tuzla	189.691,41 KM
3.	MATISA d.o.o. Tuzla	189.539,96 KM
4.	ENERGOINVEST-SUE d.d. Sarajevo	188.808,02 KM

Komisija za javne nabavke roba, radova i usluga je, izvršila evaluacije pristigle ponude, te je konstatovala slijedeće:

Ponude ponuđača Grupa ponuđača - MALCOM d.o.o. Sarajevo i MIG ELEKTRO d.o.o. Mrkonjić Grad, MATISA d.o.o. Tuzla i ENERGOINVEST-SUE d.d. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponuda ponuđača Studio SICON SAS d.o.o. Tuzla, Komisija je ocijenila kao nepravilnu iz sljedećeg razloga:

Ponuda ponuđača SICON SAS d.o.o. Tuzla je **nepravilna** iz razloga jer je nepotpuna i ne ispunjava zahtjeve tenderske dokumentacije. Ponuđači su u sklopu ponude morali dostaviti Tehničke listove ili drugi dokument izdat od strane proizvođača, kojim se dokazuje navedeno iz stavke broj 1 - Obrasca za cijenu ponude – Aneks 3.

U skladu sa Obrascem za cijenu ponude – Aneks 3 tenderske dokumentacije ponudena roba je morala između ostalog da sadrži:


- Zvučna izolacija na bazi mineralne vune visoke gustine ne manje od 145 kg/m³ sa mehaničkim pričvršćivanjem na panele kućišta i vrata;
- Šasija obavlja funkciju sabirne posude, štiti od curenja goriva i drugih tečnosti u motoru i opremljen je odvodnom rupom, kapaciteta je 110% zapremine svih tečnosti;
- Jedna kuka za podizanje dizalicom postavljena na krov (moguće ponuditi agregat sa bilo kojom pozicijom istih). Električni agregat namjenjen za ugradnju mora biti opremljen kukama za podizanje i manipulaciju električnim agregatom, pozicija i broj istih nije bitan sve dok zadovoljava ostale uslove iz tendera kao što su dimenzije i sl.;
- Punjenje radijatora kroz krov nadstrešnice (moguće ponuditi i način punjenja radijatora unutar kućišta agregata – otvaranjem bočnih vrata).

U tehničkom listu u sklopu ponude ponuđača SICON SAS d.o.o. Tuzla, navedene stavke iz Obrasca za cijenu ponude nisu bile navedene, te iz tog razloga ponuđač nije mogao dokazati da ponudena roba ispunjava zahtjeve koji su traženi Tenderskom dokumentacijom, odnosno Obrascem za cijenu ponude.

Iz naprijed navedenog razloga, ponuda ponuđača SICON SAS d.o.o. Tuzla se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponudena cijena sa PDV-om
1.	ENERGOINVEST-SUE d.d. Sarajevo	188.808,02 KM
2.	MATISA d.o.o. Tuzla	189.539,96 KM
3.	MALCOM d.o.o. Sarajevo i MIG ELEKTRO d.o.o. Mrkonjić Grad	189.999,81 KM



Ponude ponuđača Grupa ponuđača - MALCOM d.o.o. Sarajevo i MIG ELEKTRO d.o.o. Mrkonjić Grad, MATISA d.o.o. Tuzla i ENERGOINVEST-SUE d.d. Sarajevo su unesene u sistem e-nabavki i zakazana je e-aukcija, koja je održana dana 08.07.2024. godine s početkom u 11:00 sati, i koja je trajala 2 (dva) sata i 6 (šest) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je grupa ponuđača MALCOM d.o.o. Sarajevo i MIG ELEKTRO d.o.o. Mrkonjić Grad ponudio najnižu cijenu koja iznosi 130.500,00 KM (slovima: stotintridesethiljadpetstotina i 00/100 konvertibilnih maraka).

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Red. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjene cijene nakon provedene e-aukcije*
1.	MALCOM d.o.o. Sarajevo i MIG ELEKTRO d.o.o. Mrkonjić Grad	130.500,00 KM	152.685,00 KM	19,64 %
2.	ENERGOINVEST-SUE d.d. Sarajevo	131.000,00 KM	153.270,00 KM	18,82 %
3.	MATISA d.o.o. Tuzla	134.000,00 KM	156.780,00 KM	17,28%

* Označava približnu vrijednost procentualnog umanjena nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača, grupi ponuđača čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude 152.685,00 KM (slovima: stotinupedesetdvijehiljadešeststotinaosamdesetpet i 00/100 konvertibilnih maraka) sa PDV-om, te da se grupi ponuđača MALCOM d.o.o. Sarajevo i MIG ELEKTRO d.o.o. Mrkonjić Grad dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVLJENO:

- MALCOM d.o.o. Sarajevo i MIG ELEKTRO d.o.o. Mrkonjić Grad
- SICON SAS d.o.o. Tuzla
- MATISA d.o.o. Tuzla
- ENERGOINVEST-SUE d.d. Sarajevo

